



IZVJEŠTAJ O RADU
DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA 2022.GODINU SA
OCJENOM STANJA I PRIJEDLOGOM MJERA

Nosilac izrade materijala:
Drugostepena stručna komisija

Ilidža, april 2023. godina





IZVJEŠTAJ O RADU DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA 2022. GODINU SA OCJENOM STANJA I PRIJEDLOMOM MJERA

I UVODNE NAPOMENE

U skladu sa članom 4. stav (10) tačka d) Odluke o osnivanju stalnih radnih tijela Općinskog vijeća Ilidža – Prečišćeni tekst („*Službene novine Kantona Sarajevo*“, broj: 1/20), Drugostepena stručna komisija Općinskom vijeću Općine Ilidža podnosi Izvještaj o radu za 2022. godinu.

Navedenom odlukom Drugostepena stručna komisija je određena kao drugostepeni organ nadležan da rješava po žalbama stranaka kada je u prvostepenom postupku rješavano na osnovu Statuta ili propisa Općinskog vijeća Ilidža, a u okviru isključivih prava i dužnosti Općine. Nadležnost određena na ovaj način proizilazi i iz odredaba člana 223. stav (1) Zakona o upravnom postupku Federacije BiH („*Službene novine FBiH*“, broj: 2/98, 48/99 i 61/22), kojim je propisano „*Ako je u prvostepenom upravnom postupku rješavano na osnovu Statuta ili propisa Općinskog vijeća, u okviru isključivih prava i dužnosti općine, o žalbi protiv tih rješenja u drugom stepenu rješava općinski organ određen Statutom općine, odnosno organ određen propisom Općinskog vijeća*“.

Nadležnost ove komisije za postupanje i rješavanje po žalbama u određenim slučajevima je propisana i posebnim zakonom, kao što je slučaj predviđen članom 80. stav (3) Zakona o cestama Federacije BiH („*Službene novine FBiH*“, broj: 12/10), kojim je određeno da se „*Protiv upravnih akata predviđenim stavom (2) citiranog člana, za autoceste, brze ceste i magistralne ceste može podnijeti žalba Ministarstvu, za regionalne ceste nadležnom kantonalnom ministarstvu, a za lokalne ceste nadležnom općinskom organu u skladu sa zakonom*“.

Postupajući po ranije ustanovljenoj praksi Drugostepena stručna komisija je u izvještajnom periodu vodila postupke i odlučivala po žalbama, u predmetima gdje nadležnost proizilazi iz navedenog federalnog zakona, kao i citirane odluke Općinskog vijeća.

Drugostepena stručna komisija Općine Ilidža u sadašnjem sastavu imenovana je rješenjem Općinskog vijeća broj: 01-02-2345/20-11b od 24.06.2021.godine, a nakon provedenog postupka javnog konkursa, kako slijedi:

1. Dunja Đurđević – predsjednica
2. Lana Cokoja – član
3. Amra Oručević – član
4. Emir Ibrahimagić – član
5. Nedim Kapidžić – član



II ODLUČIVANJE U DRUGOSTEPENOM POSTUPKU

Tokom protekle 2022. godine, može se vidjeti da je Komisija održala 16 sjednica gdje je zaprimila i uzela u rad 12 predmeta, 5 žalbi, 2 predmeta koja je Komisija u formi zaključka riješila, a na temelju presuda Kantonalnog suda u Sarajevu, 1 vratila prvostepenom organu na ponovno postupanje, a drugi kojim je tužba odbijana samo dostavila prvostepenom organu.

Od ukupnog broja zaprimljenih predmeta tokom godine, Komisija je sve predmete riješila. U svim predmetima koji su razmatrani Komisija je odluke po žalbama donijela jednoglasno. U 10 predmeta drugostepeni postupci su vođeni po žalbama koje su uložene protiv rješenja Službe za razvoj, komunalne poslove i puteve Općine Ilidža, a u 2 predmeta drugostepeni postupci su vođeni po žalbama koje su uložene protiv rješenja Službe za inspeksijski nadzor.

III OCJENA STANJA

Drugostepena stručna komisija Općinskog vijeća Općine Ilidža je tokom 2022. godine u okviru propisima određenih nadležnosti poduzimala propisane radnje, vodila aktivnosti u cilju rješavanja po žalbama i prijedlozima, te je ažurno izvršavala postavljene zadatke, na način što je u zakonom propisanim rokovima provela žalbene postupke i donijela odluke i na taj način riješila sve zaprimljene predmete.

Pored navedenog Komisija je održala niz sastanaka sa predstavnicima Službe za razvoj, komunalne poslove i puteve Općine Ilidža, kao i sa Pravobranilaštvom Općine Ilidža, kojima je ukazala na određene probleme.

Naime, ustanovljeno je da će prilikom pristizanja predmeta Drugostepenoj stručnoj komisiji, ista odmah po primitku, kompletan svoj spis zajedno sa tužbom i svim drugim pristiglim aktima od strane Suda dostaviti Pravobranilaštvu sa propratnim aktom na daljnje postupanje, te propratni akt proslijediti i nadležnoj službu koja je donijela prvostepeno rješenje sa rokom dostave svog spisa Pravobranilaštvu. Na ovaj način se uspostavlja brža, efikasnija i jasnija saradnja unutar službi ovog organa.

Također, Komisija je predložila Službi za razvoj, komunalne poslove i puteve da prilikom izdavanja rješenja vodi računa o načinu na koji se izdaju rješenja. Ako stranka dolazi lično po rješenje mora da ima tačno potpis i pečat, ko je primio, i dan kad je primljeno, to se odnosi kako na rješenja tako i zaključke kao i sva ostala dokumenta koja izdaje Služba za razvoj, komunalne poslove i puteve.

Postupci po žalbama, koje je u izvještajnom periodu vodila Drugostepena stručna komisija 2022. godine su bili vezani za prvostepena rješenja, koja su navedene općinske službe donosile na osnovu federalnih propisa: Zakona o upravnom postupku („Službene novine Federacije BiH“ broj: 2/98, 48/99 i 61/22), Zakona o cestama FBiH („Službene novine FBiH“, broj: 12/10 i 66/13), te Odluke Općinskog vijeća Ilidža o visini naknade za korištenje javnih površina za izgradnju podzemnih i nadzemnih instalacija, uređaja i opreme na području Općine Ilidža („Službene novine Kantona Sarajevo“, broj: 13/15 i 40/15).

IV PRIJEDLOG MJERA

Polazeći od prethodno navedenog, Drugostepena stručna komisija Općinskom vijeću predlaže da usvoji ovaj izvještaj, te da se zahtijeva:

- 1. Da se ostvari bolja saradnja između službi unutar Općine Ilidža, da se imaju na uvid i blagovremeno sve informacije koje su potrebne za rješavanje predmeta koji se tiču Drugostepene stručne komisije Općine Ilidža.**



2. Da službe trebaju međusobno biti usklađene prilikom donošenja odluka i da su više uključene u rad predmeta koji se vode unutar Općine Ilidža.
3. Da se povećaju naknade za rad Drugostepene stručne komisije, koje će se svaki mjesec isplaćivati bez obzira na uzimanje u rad predmeta, s obzirom da se radi o vrlo složenom i nimalo bezazlenom radu, koji ima veliki stepen odgovornosti kao i stručnost u radu. Drugostepena stručna komisija ne može biti tretirana kao ostale komisije jer se radi o drugostepenom organu koji rješava po žalbama pomoćnika načelnika i odlučuje o imovinsko pravnim pravima i finansijskim sredstvima od kojih veliku korist ili gubitak može imati Općina Ilidža, čije odluke imaju pravno obavezujuće dejstvo, dok to nije slučaj sa ostalim komisijama.



PREDSJEDNICA KOMISIJE
Dunja Đurđević

